

## Հ

**ՀԱՄԱԶԱՍՊ ԿՍՄՍՍՐԱԿԱՆ.**— Այս իշխանը կը յիշուի Անաստաս վրդ.ի (Է. դար) վասն վանորհից Հայոց որ յերուսաղիմ գրուածքին մէջ, այսպէս. «Երանելոյն Անաստասայ Հայոց վարդապետի՝ գրեալ զանուանս վանորէիցն երուսաղէմի. ի խնդրոյ իշխանին Համազասպայ կամսարականի Պահլաւունուոյ, որ կամէր գնալ յերուսաղէմ, որ և գնաց իսկ. և արժանացաւ աստուածակոխ սուրբ տեղեացն՝ ընդ որս շրջեցաւ Տէրն մեր Յս. Թս. ի մարգանալն իւրում. եւ ի հայրապետացն Երուսաղէմի թափեաց զՀայոց վանորայսն...» (Հայապատմ., էջ 227—29. նաև Շիրակ, էջ 5):

**ՀԱՄԱԶԱՍՊ ՎՐԴ. ՂԱԶԱՐՈՍԵԱՆ, ԲԱՂԻՇԵՑԻ.**— Մբ. Ծ. 1866 ին, Ձս. 1892 ին, ՏՓ. (1920—22), ՏՅ. (1912—13). Մասակարար 1915ին, Մատենադարանապետ 1923ին, ՏՅՊ. 1925ին, անդամ ՏՆ. Ժողովի և Ժամօրհնող 1925ին, Բ. անգամ ՏՅՊ. 1927ին:

**ՀԱՄԲԱՐՁՈՒՄ ԱՄԻՐԱՅ (ՍԱՐՐԱՅ), ՍԻՍԱՆՑԻ.**— Որդի մհտ. Գրիգորի, 1740 ին իր ուխտաւորութեան ժամանակ Ս. Յակոբի վանքին կը նուիրէ Գնէլէ և ադամանդակուռ ոսկի սկիհ մը հետեւեալ յիշատակարանով. «Յիշատակէ ոսկի սկիհս Ս. Երուսաղէմ վանս Ս. Յակոբայ որ եզ յիշատակ յեգիպտոսի զարպխանէի սարրաֆ Սիսանցի յարգելի ազնիւ Համբարձում ամիրայն վասն հոգւոյ կողակցի ննջեցեալ Թագուհի խաթունին եւ համայն կենդանեաց եւ ննջեցելոց հոգւոյն. ի թուին Հայոց ՌՃՁԹ (= 1740) Փետր. Գ.» (Յուց. Պ.):

1818ին ալ յիշեալ ամիրային տիկնոջ՝ հանգուցեալ Թագուհիին յիշատակին համար իր ազգականները Ս. Յակոբի կը նըւիրեն կենաց փայտ պարունակող արծաթ և ոսկեզօծ խոշոր նսնանց մը հետեւեալ յիշատակարանով. «Չմշկածագու գիւղէն Սիսանցի մհտ. Գրիգորի որդի Համբարձում Աղայի կենակից հանգուցեալ Թագուհի հանրմին հոգւոյն համար յիշատակ որ ետ ի քաղաքն Սաղիմայ հոյակոպ Սրբոյն Յակոբայ եկեղեցւոյն ՌՄԿէ՝